

雲 溪 居 士 集

三

卷之十一

十一

欽定四庫全書

雲溪居士集卷二十七

宋 華鎮 撰

表九首

賀興隆節表

臣某言伏以律徧四時蓂華八葉實誕彌之穀旦屬不  
赫之昌期度禱無疆敷同有截臣某誠惶誠忭頓首頓  
首恭惟皇帝陛下聖心天縱俊德日躋繼述先猷緝熙  
成業邁文聲而道駿道武烈以增華舟車所通聲教咸

暨屬臨誕節聲率土以同歡環仰清光指南山而獻祝  
臣遠違北闕久使西湘望日表以天遙跂鷺庭而地遠  
第虔頌禱永固明昌

又

臣某言伏以玉燭導和當四氣告成之月電樞呈瑞逢  
一人慶誕之辰文軌所同歡欣交至臣某誠懼誠抃頓  
首頓首恭惟皇帝陛下纘休聖緒邁駿皇圖配雨露以  
涵濡體乾坤而覆燾東漸西被既堯道之無偏魚躍鳶

飛得周仁之有作豐功不宰懿錄難名每逢誕聖之期  
咸慶後天之禱臣屬將使指適遠班聯漢殿稱觴莫預  
在庭之列華封祝壽徒傾傃日之誠

又

臣某言伏以嶰管宣和導二陽之卦氣階蓂紀候敷八  
葉之祥符光標出震之期允屬乘乾之旦車書所至玉  
帛交馳臣某誠惶誠忭頓首頓首恭惟皇帝陛下篤實  
輝光聰明睿智體一德以嘉靖總萬邦而協和天施地

生運神功於無外雷聲淵默藏妙用於難名爰臨星電  
之辰均效封人之祝臣屬將使指迷在湘西莫陪北闕  
之朝但切南山之禱

又

臣某言伏以夜明合朔序徧四時冬日周天經纏八度  
本社鳴之穀旦協繞電之靈休嘉節垂芳幅員同慶臣  
某誠懼誠忭頓首頓首恭惟皇帝陛下纘戎丕緒繼述  
先猷稽古道以增華圖舊人而熙載有政有事惠康小

民不識不知靈承上帝混夷夏以懷保達神人而協和  
四海驩心盡傾馳於茲日千齡景算咸頌祝於昌期臣  
屬奉恩輝叨分漕事撫三湘而地遠仰雙闕以天遙漢  
殿稱觴莫綴鵠鴻之列堯封獻祝第傾葵藿之誠

代湖南監司賀正表

臣某言伏以璿璣端始玉律回春行夏正以示人協漢  
儀而獻歲臣某誠懼誠抃頓首頓首恭惟皇帝陛下克  
明俊德率由舊章能持盈而守成善繼志而述事惟馨

可享幽有格於鬼神常善不遺明克成於人物肇因月  
正丕御治朝享萬國之歡心備三元之慶禮琛珍在列  
知聲教之無方圖籍盈庭見幅員之既庶臣叨分使節  
限守官聯莫陪鵠列之趨徒効嵩呼之祝臣無任

又

臣某言伏以歲月更端乾坤交泰備漢儀而講禮罄禹  
跡以來王臣某誠驩誠抃頓首頓首恭惟皇帝陛下正  
位居中體元建極邁文聲而繼志揚武烈而增華神化

難名盡帝王之能事天臨無外得夷夏之歡心不御治  
朝肇修元會萬邦玉帛光昭侯伯之勤四海圖書奄有  
山河之大臣叨分使指屬遠朝班莫趨魏闕以稱觴徒  
効堯封而祝壽臣無任

代汾州知州董左司謝到任表

臣某言臣解官省闈分土西河榮兼師帥之嚴重有兵  
民之寄蒙恩踰望揣分增慙臣某誠惶誠恐頓首頓首  
竊念臣跡本孤生人惟卑品偶緣末學獲齒清流徒更

積久之歲時曾無可書之名實夤緣論薦參預詳延密  
奉威顏愧乏高明之論親承溫詔猥叨訓獎之私遂以  
卑平驟階識擢掌分部司府二卿雖任使之屢更卒涓  
埃之無補將命北狄僅逃虧辱之尤承乏都司未著彌  
綸之效罔孚士論果致人言忝冒既多投遠是分敢謂  
斗筲之器尚塵符竹之權茲蓋伏遇皇帝陛下日月照  
臨乾坤容覆灼見隱幽之遠不遺纖介之微念此空疎  
嘗加策勵付之郡寄俾懋官成臣敢不勤撫吏民祗宣

詔令究心戮力外式典彞顧後瞻前內滋明知俯免曠  
癡之責仰酬生育之恩

代湖南諸監司奏乞故知兗州程博文致仕恩

澤表

臣某等言臣等伏見故朝請郎新差知兗州程博文志  
力精敏篤於公家知無不為至有成績在熙寧間先帝  
脩明法度王安石薦其才首當條例司選任裁處牛羊  
司利害經畫綱紀草絕冗費先帝知其可用後因開封

府闕推官遂擢任之由是歷兵部郎中太府司農少卿  
權大理卿周旋省寺二十餘年頗著勞效昨因使事北  
廷在路遇疾比及湖南服勤二年失於治養近蒙恩差  
知兗州行次江寧府遂以不救道路之間不及以時致  
仕雖嘗於江寧府附奏陳乞一日之後即至捐館有礙  
奏薦恩澤欲望朝廷察其平昔宣力最多以其生前嘗  
曾陳請雖已身亡特賜指揮許令奏薦臣等知其本末  
今茲奉使在其前所治部故敢冒昧奏聞臣無任

欽定四庫全書

漳州謝賜政和三年紀元歷日表

臣鎮言伏以書成歷正知天道之有常賜及海隅見帝猷  
之無外拜恩既渥撫已知榮臣鎮誠惶誠恐頓首頓首  
恭惟皇帝陛下日月並明乾坤合德履三元而端始協  
五紀以明時視民無内外之殊與物盡阜成之利臣叩  
逢聖日權奉郡條夙夜頌宣敢失彝倫之叙雨暘時若  
庶來蕃廡之休仰奉宸慈俯熙遠俗臣無任

策問

六首

問歷代巡狩制度因革策

問巡狩者前世之大經百王之通法也書傳所載其詳可考故舜有天下五載一巡狩歲徧于四岳夏商因之其典不廢雖周監二代郁乎有文六年五服一朝而申之以諭言語聽聲音同數器脩法則足以協和天下至於十有二載王亦時巡考制度于四岳漢魏而下中智之君粗安之世猶或射蛟江流耀武朔漠存問耆艾賜疾苦作盛典於當年追高風於治古而況聖德日躋

王業祇固禮制樂作兵銷刑措之世乎則斯禮也在所當講國家因五聖之丕緒紹百年之治跡法度脩舉庶績熙凝四陲無犬吠之警中原藪休和之氣斯可以振清蹕於岱宗覲羣后於太華協時月於南岳同律度於朔方東脩白雲之故封西申汾陰之典祀揚藝祖之大烈觀神宗之景光方駕商周並驅虞夏垂訓後昆永永無極豈不偉哉然舜用五載雖數而不費周十有二年雖疎而不缺其出有時其適有方其所以告神祇之禮

觀羣后之儀同乃制作一乃度數覽觀風俗之變而考  
察治忽之故慶以旌善削以黜幽有政有事載在方冊  
諸君考古之制度今之宜孰在所因孰在所革幸詳言  
之有司將以獻焉

問漢宣孝元王伯之道優劣異效

問昔湯居毫地方不過七十里德茂於內淑聞四馳天  
下望之若雲霓之在旱歲遂及其身享有大寶傳五六  
百載其遺統餘緒微而不絕武丁因之朝諸侯有天下

猶運之掌周文王之治岐也亦百里之國端本正始載  
於閨門德教道化遠漸江漢雖大勲未集而三分天下  
有其二武王紹興克承不烈後世厲王失道天下板蕩  
幽王荒廢褒姒滅之然而德澤之美風俗善人心者猶  
未卒斬故風雅之變尚知止乎禮義民之允懷未能弭  
忘子孫相承復五百餘年然後已何其懋哉五伯桓公  
以元侯之重據十二之地挾王室以令諸侯周旋數十  
年而功名止乎九合胡辱於曹沫見欺於陶塗智力之